

Edward cu un tema nobo

"Bin awor"

Titulo di lo mas nobo di Edward van der Biezen

Edward van de Biezen su tema nobo "Bin Awor" ta ser extraí di su produccion audiovisual "Acoustic Set" cu a ser pasa na Television na Aruba y a dicidi di expone e tema'ki cu ta un composicion y arreglo di Armin Solo.

Edward despues di a presenta e tema aki den su proyecto audiovisual a dicidi hunto cu Armin p'asina lanza esaki como un tema promocional.

Den e produccion musical aki a conta cu varios musico di taya manera entre otro Jeremy Bonnariba, Sergio Silva, Nelson Croes, Lazaro

Barizonte, Edgard Ojeda, Kris Cross cu e aparicion special di Armin Solo cu su guitarra electrico.

E proyecto aki a conta cu e contribucion importante di Prins Bernhard Cultuurfonds dic cual Edward van der Biezen a gradici masha hopi mes cu esaki a por a bira un realidad. "Bin Awor" tin su storia, na momento cu tabata traha riba djie, inicialmente esaki tabata completamente un otro swing y na midi cu a keda elabora y a cuminsa haya forma e la bira un bachata na Papiamento cu acorde nan 'pop' cu ta dune un flow y dimencion diferente. Jeremy Bonnariba a hinka e parti di percucion su tras y asina cos nan a sigui di cual e la haya su puesto den e repertorio di e proyecto 'Acoustic

Set'.

Armin Solo a señala: "Mi conoce Edward masha hopi tempo como persona y artista. Cu Edward mi sa comparti hopi presentacion na hotel". Tabata un par di luna pasa cu Edward a pone den circulacion un afro-reggeuton di su autoria titula "Tur dia" cu a resulta un exito, n'e ocasion ey e la bisa cu e ta trahando riba diferente cos y ata'ki e tema di su proyecto "Acoustic Set".

Link Acoustic Ste live show:

https://www.youtube.com/watch?v=bJw3Nk8cOPg&t=14s&ab_channel=EttoMusic

E-mail: ettomusicaruba@gmail.com

